

Divendres,
27 de març de 2020

ethTRICICLE

Auè,.....



LAUEM-MOS BEN ES MANS!

Pensatz en tot çò que tocam damb es mans en pòca estona: taules, cagires, manetes de pòrta, baranes, joguets, creions, amics, cubèrts, minjar, sòs, animaus, era barra der autobús... Ei important re-brempbar qu'en tot çò que tocam i pòt auer micròbis!

Es micròbis son èstes tan petiti que non les podem veir dirèctaments. Mès son pertot e n'i a que causen malauties grèus. Se mos tocam era cara damb es mans lordes, podem meter-mos malauts. E, se les auem lordes e tocam causes que dempús tòque quauquarrés, tanben podem escampar malauties.

Per aquerò era igièna des mans ei tant importanta: perque elimine es micròbis. Alavetz, mos cau lavar soent es mans damb aigua e sabon, sense desbrembar-mos cap de part. Abans e dempús de minjar, codinar o anar tath lavabo, e cada viatge que les ajam lordes pr'amor qu'auem tocat fòrça causes, non mos cau descuedar de hèc. Brempatz-vo'n!



Perqué enes mans i podem auer fòrça micròbis? | Perqué mos cau lavar ben es mans e hèc soent? | Tostemp hès cas des recomanacions? Perqué?



▲ Cau lavar-se ben es mans damb sabon

micròbi: èste petiti que sonque se pòt veir damb microscòpi e que, a viategs, pòt causar malauties.

èste: aquerò qu'existís e a vida.

causar: produsir, provocar, hèr que passe quauquarren.

igièna: neteja.



ER ESTAT D'ALARMA SE PRORÒGUE

Eth Govèrn espanhòu ac sollicite en Congrès



Eth president deth Govèrn espanhòu, Pedro Sánchez, demanèc qu'eth Congrès des Deputats aprovèsse alongar er estat d'alarma decretat eth 14 de març. D'aguesta manèra, continuaram confinadi en casa enquiath dia 11 d'abriu, aumens. S'a pres aguesta decision entà contier ath maxim era propagacion deth coronavirus.

Aguesta mesura preten evitar es milions de desplaçaments que se realizen abituauments enes vacances de Setmana Santa tà pr'amor de que non s'estene mès encara eth virus. Açò signifie que'era poblacion demoràr confinada enquia dempús des vacances, en principi.

Ath delà, es futures setmanes seràn es mès dures, pr'amor que i aurà eth pic de malauts e, en consequéncia, es urgéncias espitalàries pòden arribar ath col-lapse. Per aquest motiu, eth Govèrn aufrís as comunitats autonomiques que poguen préner eth contròl des residéncias privades entà gent grana. Açò significarie que disposarien de mès lhets e de mès personau entà atier es casi de coronavirus que gesquen.



Qué demane Pedro Sánchez en Congrès? | Perqué s'alongue er estat d'alarma enquia dempús de Setmana Santa? | Se tu siguesses president deth Govèrn, quines autes mesures preneries?

congrès: organ format pes deputats, ei a díder, es persones escuelhudes entà hèr es leis d'un país.

propagacion: hèt que s'escampilhe o auance ua causa.

desplaçament: moviment d'un lòc tà un aute.

collapse: hèt d'igualar o superar era capacitat maxima de quauquarren.




VOCABULARI



NOTÍCIES CURIOSAS DETH CONFINAMENT

Es jòcs a distància e passejades de pingüins distrèner isolament

Passar dies embarradi en casa en tot sènter notícies sus eth coronavirus pòt arribar a cansar-mos. Mès tanben i a istòries curioses que mos pòden animar un shinhau, coma era des mainatges e mainades que jòguen ath bingo des des balcons o hièstres de casa, o era des vesins que canten «Hola, don Pepito» amassa.



▲ Dus pingüins passegen pes installacions der aquari

Un des videos que s'a hèt virau¹ ei eth d'uns pingüins d'un aquari de Chicago. En isolament i van eth minim de treballadors e non i a visitants, atau qu'uns cuèdadors les deishèren passejar pes installacions. En video se ve coma caminen encuriosidi² e s'arturen a guardar es aquaris plei de peishi coma uns visitants mès.

Ua auta istòria polida a estat era d'ua pareha que s'auie de maridar. Com aueren de suspèner eth maridatge, èren toti moishi.³ Mès es sòns amics aueren ua idea: hèr-les ua videotelefona susprenenta e celebràc de totes formes. Tot d'un còp, era pareha se trobèc ena pantalha es convidadi mudats e prèsti entath maridatge! Cada un en casa sua, aquerò plan!



Perqué s'an hèt famosi es pingüins der aquari de Chicago? | Com celebrèc mès o mens eth sòn maridatge ua pareha que l'auèc de suspèner? Quina idea daries tu tà qu'era gent se distreiguessè mentre demore en casa?

isolament: situacion en qué non s'a contacte damb d'altres personas.

virau: que s'a estenut molt rapidament pes hilats socials.

encuriosit: que mòstre curiositat per bèra causa.

moish: trist.

tuculet: montanha petita.

urban: de ciutat.

mobiliari urban: conjunt d'elements que son en carrèr, com ara lumenèrs, contenedors, balçadèrs, parades d'autobús...

gesticular: hèr gèsti damb es braci e eth còs.



SANGLIÈRS EN CENTRE DE BARCELONA

I baishen a cercar minjar, animadi pes carrèrs vuets

Es carrèrs dera ciutat de Barcelona ara son vuets. Açò a hèt que, peth ser, bèri sanglièrs que viuen enes tucòlets⁴ e montanhes apròp dera ciutat agen decidit baishar. A viatges, de net, ja se'n ven enes barris mès a tocar des bòsqui, mès aquest còp es bèsties an arribat en centre de Barcelona.

Hè temps qu'er Ajuntament a un plan entà sajar de que non gesquen deth bòsc. Cau auer en compde que, se s'acostumen a minjar rèstes o çò que les dan es vesins, ja non tornen a cercar aliments ena montanha. Mès un sanglièr non a de viuer en zònes urbanes:⁵ pòt transmetèr malauties, trincar mobiliari urban⁶ e causar accidents de circulacion.

Se mos trobam un sanglièr, non mos i auem d'apropar ne tocar-lo, pr'amor que pòden èster fòrça agressius. Tanpòc li cau dar minjar, pr'amor que mo'lo pòden préner damb violència. Se vedem sanglièrs apròp e auem minjar, l'auem d'amagar. Entà veir d'aluenhar-les, podem hèr tapatge e gesticular⁷ exageradament.



▲ Un sanglièr peth miei d'un carrèr de Barcelona



Qué a animat as sanglièrs a caminar pes carrèrs deth centre de Barcelona? | Perqué s'a d'evitar qu'es sanglièrs s'acostumen a entrar enes zònes abitades? | Quines idees daries entà solucionar aquest problèma?



APLAUDIMENTS ATH PERSONAU SANITARI



Es casi de malauts per coronavirus son fòrça nombrosi. Per aquerò, es mètges, es infirmiers, es conductors d'ambulància e es farmaceutics, que tostemp son fòrça importants, ara encara ne son mès.


Non auem de desbrembar que toti trabalhen entà cuedar as malauts de coronavirus, mès tanben an d'encuedar-se de tota era rèsta de pacients. Ara trabalhen mès ores que jamès. Ath delà, es que son apròp de malauts de coronavirus an de préner fòrça precaucions, tà non infectar-se'n.

Enes hilats sociaus se difonec ua idea entà dar-les es gràcies: gèsser cada ser tàs ueit enes hièstres e balcons entà aplaudir-les. Ei ua manèra d'arregrair-les eth trabalh que hèn. Atau madeish, non s'an de desbrembar de d'auti trabalhadors de servicis basics, qu'an de foncionar per fòrça, coma es des supermercats, eth personau de neteja o era policia, entre d'auti.



Perqué ges era gent enes balcons o hièstres tà aplaudir tàs ueit deth ser? | Quini trabalhadors an de gèsser de casa entà anar a trabalhar e perqué? | Qué te semble que deuen pensar es persones que trabalhen enes espitaus quan entenen es aplaudiments?

▲ Era gent aplaudís eth trabalh des sanitaris des balcons



VOCABULARI

personau sanitari: conjunt de personas que trabalhen tara salut dera gent.

pacient: persona malauta o qu'a un problèma de salut.

precaucion: causa que se hè tà evitar un perill.

servici basic: causa imprescindibla tà viuer, com eth minjar, era neteja, era electricitat o era atencion medica.

confinat: tancat.

comèdia: pellicula divertida e que soent acabe ben.

classic: òbra importanta e d'un autor de referència.

pèrla: aquerò qu'ei perfectè, excellent, en sòn genre.



CINE EN CASA

Recomanacion de pellicules infantiles



Confinats en casa, semble que mos auem d'engüejar fòrça, ua des granes pòurs des mainatges. Mès, dempús de hèr es déuers dera escòla, de hèr exercici fisic, d'ajudar enes prètzhèts dera casa, arribe eth moment de



connectar-se e açò ei un mon plen d'oportunitats! Per internet e pera tele arriben auèrtes de tot tipe: ràdio, pellicules e sèries, exposicions d'art, espectacles de circ, dança e musica... Non i a temps d'engüejar-se!

Sonque damb pellicules, mos passaràn es ores volant. Vos

prepausam que guardetz films d'accion, coma *Jumanji* (Netflix), comèdies extravagantes coma *Chicken Run: Evasion en la granja* (Filmin), condes infantils coma *Er estiu e era tardor en reiaume d'Escampeta* (Pack Magic) e classics coma *Matilda* o *Charlie e era fabrica de chicolate* (Netflix).

Ath delà, ara ei era ora de rebrembar o descorbir petites pèrles dera animacion japonesa, com ara *Mi vecino Totoro* e *El viaje de Chihiro* (Netflix), e gaudir damb pellicules diferents, com *La tortuga roja* e *El principito* (Filmin).



Qué podem hèr entà entretenir-mos en casa? | A on se pòden trobar pellicules japoneses? | Cres que pòt èster bon engüejar-se? Perqué?



Setmanari per a nens i nenes

Una publicació de:


Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 162


Troba i pinta

Troba els elements amagats i pinta el dibuix.




Sopa de lletres

Hi ha amagades 12 paraules referides al menjar i al beure.



Relaciona

Relaciona els sinònims següents. Pot haver-hi paraules sense sinònim.



Posa-hi els signes

Col·loca els signes de suma i resta entre aquests nombres perquè es compleixin les igualtats.

$$15 + 37 - 21 + 19 - 32 = 18$$

$$59 - 29 + 15 - 35 + 42 = 52$$

$$36 + 42 - 39 + 52 + 25 = 116$$

$$29 - 16 + 26 + 62 - 45 = 56$$

Cubs

Encercla el cub que es correspon amb la imatge de l'esquerra.

